

(**ciep banjdaez**) dohdaengz doihaeuj yiengh vaigyauh guekhung miz gij daegsaek Cungguek, gaiq hong hagsib sonrox dangsij netsaed mizyauq, hoenx hingz cungj caihaih mbwnbaenz naekhaenq lai dingz lai yiengh, gij saehnieb aen Dangj caeuq guekgya hanghhangh caiq ndaej cwngzciu hungloet. Banhbaenz gij yienghsaeh baenzroix angqhoh Cunghgoz Gungcanjdangj laebbaenz hop 100 bi, Cunghgung Cunghyangh cungjsuhgi Siz Ginbingz fatbiuj gangjvah youqgaenj, cingqsik senhbu dohdaengz hwnqbaenz aen biengz siujgangh, gikcoi daengx Dangj daengx guek gak cuz yinzminz simheiq hwnghfat byaij coh gij moegbiu buekguh aen bak bi daihngeih.

Daengxhoih nyinhnaeuz, cungjgez gij cwngzciu hungloet caeuq gingniemh lizsij Dangj raeuz buekguh bak bi, dwg youq mwh laeb Dangj ndaej bak bi yiengh lizsij diuzgen neix haihwnj duenh roen moq dohdaengz hwnqguh aen guekgya yendaiva sevei cuji, youq seizdaih moq dawzyungh caeuq hwnghfat yiengh sevei cuji miz gij daegsaek Cungguek cix aeu baenzneix guh; dwg lai rox gangj cwngei, lai rox naemj daengxbuenz, lai rox riengz cehsim, lai rox gaen cunghyangh, dawzdingh gagsaenq diuz roen bonjfaenh, gagsaenq lijln bonjfaenh, gagsaenq cidu bonjfaenh, gagsaenq vwnzva bonjfaenh, guh daengz laemxsim henhoh Siz Ginbingz dungzci guhgoek Dangjgunghyangh, guhgoek daengx Dangj, laemxsim henhoh gij gienzvi caeuq yiengh gyonjcomz lingjdauj Dangjgunghyangh, saedbauj daengx Dangj yamqdin doxdoengz byaij baenaj cix aeu baenzneix guh; dwg doihaeuj Dangj raeuz gag gaijndei bonjfaenh, hawj daengx Dangj lai miz bonjsaeh guh doucwngh caeuq lai ak wngqdoiq fungyiemj diuhcan, ciengxlwenx hawj Dangj cangqhoengh, comzgiet daiqlingx daengx guek gak cuz yinzminz vih guhbaenz aen loqsiengj Cungguek Cunghvaz Minzczuz fukhwng hungmbwk bae laebdaeb buekguh cix aeu baenzneix guh. Daengx Dangj aeu itloh gaemmaenh aen veizvuz sijgvanh caeuq aen dangsijgvanh cingqdeng, daj gij saeh Dangj raeuz buekguh bak bi yawj cingcu diuenghbaez raeuz vihmaz guh ndaej baenz, loengh mingzbez daengzcog raeuz baenzlawz cij laebdaeb guh ndaej baenz, baenzneix engqgya giendingh, engqgya gagrox bae raphwnj diuz rap dawznduj, youq seizdaih moq engq ndei bae dawzyungh caeuq hwnghfat yiengh sevei cuji miz gij daegsaek Cungguek.

Daengxhoih gangj daengz, Cunghgoz Gungcanjdangj daj 1921 nienz laebbaenz doxdaeuj, itloh aeu vih yinzminz Cungguek maeuz vuenyungz, vih Cunghvaz Minzczuz maeuz fukhwng dangguh diuz rap dawznduj bonjfaenh, itloh dawzmaenh aen lijsiengj gungcanj cuji caeuq yiengh saenqniemh sevei cuji, comzgiet daiqlingx daengx guek gak

cuz yinzminz vih ceng'aeu minzczuz doglaeb, yinzminz gaijfang caeuq guhdaengz guekgya fouqak, yinzminz vuenyungz bae buekguh mboujdingz, gaenq byaij gvaq baenz bak bi ronghlwenq. Dangj caeuq yinzminz buekguh bak bi neix, sij ok le bien fwensei cei hongmbwk gwnz lizsij geij cien bi Cunghvaz Minzczuz.

Daengxhoih gangj daengz, duenh guh aen minzczuj cuji gwzming moq, gij hong youqgaenj Dangj raeuz seizde bungz daengz, dwg fanjdoi digoz cuji, funghgen cuji, gvanhliuz swbwnj cuji, ceng'aeu minzczuz doglaeb, yinzminz gaijfang, youq ndaw biengz roengz giek hawj baezlaeng ndaej guhbaenz Cunghvaz Minzczuz fukhwng hungmbwk. Youq mwh guh gwzming doucwngh, gyoengq vunn Cunghgoz Gungcanjdangj youz Mauz Cwzdungh dungzci lingxdaeuz dai-byauj haenx, aeu gij yienzleix giekbonj Majgwzsw Lezningz Cuiji caeuq gij saedsaeh Cungguek dox giethab, gyoebgyonj gij gingniemh gag cauh baenzroix dwg ginggvaq ganhoj damqra, sai lwed sai mingh cwkrom ndaej haenx baenz lijln, hai ok diuz roen gwzming cingqdeng lajmbanj gvaeghumx hawsingz, hoenxcienqg duedaeu cwnngenz, cauhaeb le Mauz Cwzdungh Swhsiengj, vih duedaeu aen minzczuj cuji gwzming moq ndaejhingz vixok fuengyiengq cingqdeng. Dangj raeuz lingjdauj yinzminz buekmingh dwkhoenx, dai cungj mbouj fug, cau'ok le gij cwngzciu hungmbwk aen minzczuj cuji gwzming moq, laebbaenz Cunghvaz Yinzminz Gunghozgoz, guhndaej minzczuz doglaeb, yinzminz gaijfang, daengzdae gietsat le gij lizsij aen biengz bancizminzdi banfunghgen Cungguek gaeuq, daengzdae gietsat le gij lizsij bouxgwncienzvunz gig noix bae gaemguenj baenzgyoengq baenzgyoengq bouxguhong, daengzdae gietsat le gij yiengh Cungguek gaeuq sanq lumj buenz sa ndeu, cawz raeg gij diuzyo mbouj bingzdaengj doengh aen guek rog nyengh gya hawj Cungguek haenx caeuq sojmiz gij daeggienz digoz cuji youq Cungguek miz he, hawj Cungguek daj yiengh cwngei funghgen conhci geij cien bi bonghyat haeu daengz yinzminz minzczuj, hix gig daih gaijbienq le yiengh ndabaij cwngei lajmbwn, gikcoi le daengx seiqgyaiq gij minzczuz deng apbik caeuq gyoengq yinzminz deng apbik haenx engq miz mbeiheiq hoenx aeu gaijfang. Cunghgoz Gungcanjdangj caeuq yinzminz Cungguek baengh yiengh gamj guh gamj buek yiemzrwd naeuz hawj daengx seiqgyaiq rox, yinzminz Cungguek daj seizneix ndwn hwnjdaeuj lo, aen seizdaih Cunghvaz Minzczuz caih vunn soemx, caih vunn gvej, caih vunn ciemq gaenq caiq mbouj dauqma lo, Cungguek hwnghfat daj neix hai ok aen seizdaih moq.

Daengxhoih gangj daengz, duenh guh sevei cuji gwzming caeuq gensez, gij hong youqgaenj Dangj raeuz seizde bungz daengz, dwg hawj yiengh

minzczuj cuji moq cienjbienq baenz sevei cuji, guh sevei cuji gwzming, doihaeuj sevei cuji gensez, daj gwnz cwngei gwnz cidu roengz giek hawj raeuz guhbaenz Cunghvaz Minzczuz fukhwng hungmbwk. Ndaw duenh neix, gyoengq vunn Cunghgoz Gungcanjdangj youz Mauz Cwzdungh dungzci lingxdaeuz dai-byauj haenx doiq sevei cuji gensez daezok baenzroix swhsiengj youqgaenj. Mauz Cwzdungh Swhsiengj dwg Majgwzsw Lezningz Cuiji youq Cungguek cauhoq yinhyungh caeuq hwnghfat, dwg gij lijln yenzcwz caeuq gingniemh cunggez gvendaengz Cungguek guh gwzming caeuq gensez gaenq deng saedguh cingqmingz cingqdeng haenx, dwg Majgwzsw cuji caeuq gij saedsaeh Cungguek giethab youq gwnz lizsij guh baez bonghyat daih'it. Dangj raeuz lingjdauj yinzminz gag baengh swheij, laemxsim bienq ak, hawj sevei cuji gwzming caeuq gensez cau ndaej le cwngzciu hungmbwk, hawj Cunghvaz Minzczuz daj miz lizsij doxdaeuj guhbaenz yiengh biengz bienq cei qvangq cei laeg, hawj aen guek hung baihdoeng yiengh hojndoq, vunn lai neix ndaej bonghyat haeu daengz aen biengz sevei cuji. Guek raeuz laebhwnj aen gunghyez diji caeuq gozminz ginghci diji doglaeb youh haemq caezcingj, gij diuzgen guh reihnaz bienq ndei lailai, gij saehnieb gyauyuz, gohyoz, vwnzva, veiswng, diyyuz yamq ok yamq laux, Yinzminz Gaijfangginh bienq coek bienq ak, daengzdae gietsat le yiengh vaigyauh sainaj Cungguek gaeuq. Cunghgoz Gungcanjdangj caeuq yinzminz Cungguek aeu gij yiengh gamj guh gamj buek naeuz lajmbwn rox, yinzminz Cungguek mboujdan ak bae buqvaih aen seiqgyaiq gaeuq, hix ak bae dajcauh aen seiqgyaiq moq ndeu, cijmiz sevei cuji gouq ndaej Cungguek, cijmiz sevei cuji ndaej hawj Cungguek hwnghfat.

Daengxhoih gangj daengz, duenh moq guh gaijgwz hailangh caeuq sevei cuji yendaiva gensez, gij hong youqgaenj Dangj raeuz seizde bungz daengz, dwg laebdaeb ra aeu diuz roen cingqdeng hawj Cungguek gensez sevei cuji, gaijfang caeuq fazcanj sevei swnghecanjiz, hawj yinzminz baet gungz duet hoj, vaiq di fouqmiz hwnjdaeuj, aeu yiengh diji youh hoengh youh moq bae baujcingq, aeu yiengh hwnghfat riengjvaiq guh vuzciz diuzgen hawj raeuz guhbaenz Cunghvaz Minzczuz fukhwng hungmbwk. Baez Daengxhoih Sam Cungh Gaiq Cib'it Dangj raeuz gvaqlaeng, gyoengq vunn Cunghgoz Gungcanjdangj youz Dwng Siujbingz dungzci lingxdaeuz dai-byauj haenx, comzgiet daiqlingx daengx Dangj daengx guek gak cuz yinzminz, youq mwh dohdaengz hwnqguh aen biengz siujgangh doihaeuj cauhoq guhsaeh, cauhoq lijln, cauhoq cidu, laegdae roxyiuj caeuq hoizdap le doengh gij vwndiz hungnaek gven-daengz youq laj hingzsei moq guh yiengh hwnghfat lawz, baenzlawz bae hwnghfat daengj, (**cienj banj 3**)

cuji lajbienq, cauhaeb le Dwng Siujbingz Lijln, hawj swhsiengj hoiz haed, ciuq saedsaeh banhsaeh, guh ok aen gezcwz hawj gaiq hong aen Dangj caeuq guekgya comzrengz bae guh de cienj daengz gwnz gaiq hong guh ginghci gensez, guh gaijgwz hailangh daeuj, aen gezcwz hab geiq haeu lizsij neix haeu goek haeu ceh gangj ok le sevei cuji dauqdae dwg yiengh lawz, doekdingh diuz gihbwnj lusen duenh codaue sevei cuji, mingzbez gangj ok aeu byaij diuz roen bonjfaenh, hwnqguh yiengh sevei cuji miz gij daegsaek Cungguek, gohyoz hoizdap le doengh gij gihbwnj vwndiz baenzroix gvendaengz hwnqguh yiengh sevei cuji miz gij daegsaek Cungguek, ceiqdingh le aen canloz hwnghfat daengz ngeihcib it sigij buenqgyang faen sam yamq byaij, daihdae guhbaenz sevei cuji yendaiva, hai baenz le yiengh sevei cuji miz gij daegsaek Cungguek.

Daengxhoih gangj daengz, Baez Daengxhoih Seiq Cungh Gaiq Cibsam Dangj raeuz gvaqlaeng, gyoengq vunn Cunghgoz Gungcanjdangj youz Gyangh Cwzminz dungzci lingxdaeuz dai-byauj haenx, comzgiet daiqlingx daengx Dangj daengx guek gak cuz yinzminz, dawzmaenh gij gihbwnj lijln, diuz gihbwnj lusen Dangj raeuz, gyaalag nyinhrox gijmaz dwg sevei cuji, baenzlawz hwnqguh sevei cuji caeuq yaek hwnqguh aen Dangj baenz yiengh lawz, baenzlawz bae hwnqguh aen Dangj, guhbaenz le "Sam Aen Dai-byauj" Cungyau Swhsiengj, youq mwh ndaw guek rog guek saeh lai gyauxyog, gij sevei cuji lajmbwn deng ngutngeuj youqgaenj doengh gij yienghsaeh neix cungj roemx haeu baihnaj daeuj, henhoh le yiengh sevei cuji miz gij daegsaek Cungguek, doekdingh le gij moegbiu gaijgwz caeuq aen gvaengxgaq dwkdae aen diji yiengh hawciengz ginghci sevei cuji, doekdingh le youq duenh codaue sevei cuji aen gihbwnj ginghci cidu aeu gij gunghyoujci guh goek, lai cungj sojyoujci ginghci doengzcae hwnghfat caeuq aen cidu faenboiq aeu ciuq hong faenboiq guh goek, lai cungj fuengsik faenboiq caezyouq haenx, cau ok gij yiengh moqsak gaijgwz hailangh dohdaengz, doihaeuj hangh gunghcwnz hungmbwk moq hwnqguh aen Dangj, ndaej dawz yiengh sevei cuji miz gij daegsaek Cungguek doi haeu ngeihcib it sigij.

Daengxhoih gangj daengz, Cib-roek Daih Dangj raeuz gvaqlaeng, gyoengq vunn Cunghgoz Gungcanjdangj youz Huz Ginjdauh dungzci lingxdaeuz dai-byauj haenx, comzgiet daiqlingx daengx Dangj daengx guek gak cuz yinzminz, youq mwh dohdaengz hwnqguh aen biengz siujgangh doihaeuj cauhoq guhsaeh, cauhoq lijln, cauhoq cidu, laegdae roxyiuj caeuq hoizdap le doengh gij vwndiz hungnaek gven-daengz youq laj hingzsei moq guh yiengh hwnghfat lawz, baenzlawz bae hwnghfat daengj, (**cienj banj 3**)